

Posjeta predstavnika Evropske komisije

U utorak, 29. novembra 2011. godine, Filozofski fakultet u Nikšiću posjetili su predstavnici Evropske komisije, gđa Antonela Đorđo i gđa Edit Dibra. Svrha ove posjete bila je monitoring trogodišnjeg međunarodnog Tempus IV projekta "Modernizacija stranih jezika na prostoru Istočne Evrope" (South Eastern European Project for the Advancement of Language Studies, SEEPALS, 51116) kojim koordinira Filozofski fakultet.



Realizacija SEEPALS projekta započeta je prije godinu dana, kick-off sastankom na Filozofskom fakultetu. Ovom sastanku prisustvovali su partneri iz četrnaest institucija visokog obrazovanja iz Zapadnog Balkana i Evropske Unije.

Predstavnici Evropske komisije su ustanovili da se uspješno radi na dostizanju glavnog cilja ovog projekta, a to je unaprijeđenje nastave stranih jezika, praćenje društveno-političkih promjena i promjena na tržištu, stvaranje jedinstvenog obrazovnog prostora modernizacijom studija stranih jezika, kao i podizanje nastavnog kapaciteta i uvođenje novih programa na partnerskim institucijama Zapadnog Balkana. Komisija je takođe pohvalila realizovane i započete napore ka ostvarivanju osnovnih rezultata projekta, a to su:



- kritičko poređenje modela nastave stranih jezika u regionu i u Evropskoj Uniji
- modernizacija nastave književnosti i kulture na univerzitetima u regionu
- uvođenje i razvoj primjenjenih studija stranog jezika (Foreign language for specific purposes, FLSP) na univerzitetima u regionu
- uvođenje i razvoj magistarskih akademskih studija prevodenja na univerzitetima u regionu
- podizanje kapaciteta nastave (kroz nabavku knjiga, kompjuterske i videokonferencijske opreme).

